

# VISCHNAUNCAS/ GEMEINDEN



## BREIL/BRIGELS

[www.breil.ch](http://www.breil.ch)

### Conclus - Credit d'impegn per la midada d'utilisaziun tier il tschaler da schurmetg a Breil

Il cussegl da vischnaunca ha concediu in credit d'impegn ella summa da frs. 274'000.- (rundau si) per la midada d'utilisaziun tier il tschaler da schurmetg, situaus tier la scola a Breil.

*Questa fatschenta vegn sutmesssa al referendum facultativ (art 21 constituziun communal).*

### Damonda da baghegiar

Nr. 2026/29 (2025-1137 eBau)

Datum da publicaziun: 02 d'avrel 2026

Patrun: Thomas Schäfli  
Hauptstrasse 45, 8272 Ermatingen  
Representant: SONNEO GmbH  
Riedgarten 6, 8600 Dübendorf  
Zona: Zona da habitar mischedada 2  
Object: Tetg da veider ord aluminium RAL 9006, sin il balcon sid en il plaun sut tetg (DG), tut las varts aviartas, parcella 4036, Via Pundual 21, Breil

### Protestas:

La damonda da baghegiar ei exponida sin canzlia communal. L'investa publica cuoza 20 dis dapi il datum da publicaziun. Eventualas protestas encunter presenta damonda da baghegiar ein d'inoltrar alla suprastanza communal enteifer 20 dis dapi il datum da publicaziun.  
*Suprastanza communal Breil*

### Rapport giuridic tier las elecziuns communalas dils 15 da zercladur 2025

Sin fundament dallas irregularitads tier las elecziuns han la suprastanza communal e la cumissiun da quen e gestiun incaricau in giurist dad elaborar in rapport giuridic.

Il rapport schai uss avon maun. Silla pagina d'internet dalla vischnaunca anfleis vus il facit e las conclusiuns ord il rapport giuridic davart las elecziuns communalas.

### Preavis – Sanaziun Via Raust

Muort lavurs da sanaziun ei da quintar cun impediments e serradas da via parzialas naven dils 07 d'avrel 2026 entochen ils 10 da fenadur 2026. Igl access a mintga parcella vegn reglada tenor las etappas da baghegiar (etappa 1: Via Cuort - Via Ruast-sut).

Informaziuns detagliadas sco pusseivladads da parcar ni temps senza access cun vehichels suondan mintgamai via fegl sgulond als proprietaris pertuccai.

L'illuminaziun publica vegn per part prida ord funcziun en etappas. Per ulteriur sclariment san ins sevolver tier la survigilanza da baghegiar - biro ipz inschigniers + planisaders sa, 081 943 17 22.

Nus engraziem ordavon per Vossa capientscha.

Mars 2026

*Uffeci da baghegiar*

### Informaziun publica:

### Projects pil svilup dalla vischnaunca da Breil

Gievgia, ils 16 d'avrel 2026 allas 19.30 uras ella sala da gimnastica a Danis

1. 100 dis en uffeci – ina retrospectiva
2. Situaziun da partenza pil svilup dalla vischnaunca
3. Project - nova organisaziun communal
4. Diversas orientaziuns

Suenter l'informaziun envida la suprastanza communal in e scadin ad in pign aperitiv.

Cordialmein envida *Suprastanza communal*

### Lubientscha da carrar per vias communalas

Las lubientschas da carrar per vias communalas 2026 san vegnir empustadas tier la vischnaunca. Nus supplichein, sche pusseivel, da far l'empustaziun online sin nossa pagina d'internet [www.breil.ch/spurtegl](http://www.breil.ch/spurtegl) online/damondas e lubientschas/lubientschas da carrar. La lescha correspundenta ei medemamein sin nossa pagina d'internet. Nus supplichein da risguardar che buc tut las vias ein gia accessiblas. *Vischnaunca Breil/Brigels*

### Rimnada da pupi e cartun

**Venderdis, ils 17 d'avrel 2026** avon miezdi rimnan ils scolars dil salem superiur ell'entira vischnaunca da Breil pupi e cartun. Ellas fracziuns Vuorz ed Andiastr vegn denton sulettamein rimnau pupi. Nus supplichein da ligiar bein ils faschs e fagein attents da buca duvrar plastic per ligiar e pachetar. Fagei aschi bien e metti il pupi bein visibel avon casa entochen allas 8.00. La rimnada da pupi munta ina impurtanta entrada per la cassa da viadi dil salem superiur. Cordial engraziament per Vossa collaboraziun e Vies sustegn!  
*Scola superiura Breil*

### Pro Andiastr

#### Termagliera Sulegl Andiastr

La termagliera Sulegl ad Andiastr ei organisada dall'unin Pro Andiastr e vegn menada dad ina menadra da termagliera. La termagliera porscha als affons avon la scoletta in camp d'exercezi creativ.

#### Gruppa da ruschnaders

La gruppa da ruschnaders ei in liug da sentupada per geniturs ed affons naven dalla naschientscha (0-5 onns). Aschia eis ei pusseivel d'emprender d'ensconuscher auters geniturs, termagliar ensemen e paterlar. La sentupada ha liug inagada al meins. Famiglias che lessan dapli informaziuns ni che han interess davart las purschidas astgan bugen s'annunziar.

Annunziat ed informaziuns: Pro Andiastr, Angela Gulli, [angela.gulli@gmx.ch](mailto:angela.gulli@gmx.ch). Menadra termagliera, Valeria Piperata-Spescha, [valeria.piperata@icloud.com](mailto:valeria.piperata@icloud.com)

#### Seniorenmittagstisch

Der von Pro Senectute organisierte Seniorenmittagstisch findet im April am **Montag, 13. April**, im Hotel Ucliva in Waltensburg statt.

#### Unin Samaritana Vuorz/Andiastr

**Referat public ils 10 d'avrel 2026** allas 20.00 en casa da scola Vuorz. Tema: «Homöopathie bei Verletzungen». Wie setze ich Homöopathie bei Verletzungen ein? Referentin: Corina Seeli, dipl. Homöopathin hfnh HF. Entrada libra, collecta.

#### Referat: Homöopathie bei Verletzungen

Wie setze ich Homöopathie bei Verletzungen ein?



## DISENTIS/MUSTÉR

[www.disentis.ch](http://www.disentis.ch)

### Damonda da baghegiar

2026-1020.000 (E-Bau 2026-592)

Datum dalla publicaziun: 02.04.2026

Patrun: Repower AG  
Representant: Nathan Solèr  
Intenziun: Scavament per ina nova lingia da colligiaziun da reit (Muschnas)  
Parcella: 1199, 130, 4013, 132  
Adressa: 7186 Segnas  
Zona: Zona agricola (A)  
Zona da prighel: Negina zona da prighel

### Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis all'instanza da baghegiar, caum postal 146, 7180 Disentis/Mustér. La protesta sto esser motivada e suttascretta dil recurrent ni da siu representant. *Uffeci da baghegiar Disentis/Mustér*

### Annunziat da baghegiar

All'instanza da baghegiar ei sin fundament digl art. 64, aline 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischnun OPT vegniu annunziat ils suandonts projects:

2025-2061.000 (E-Bau 2025-1369)

Diego e Marianne Curschellas-Künzle, Via Alpsu 73, 7188 Sedrun; sanaziun dil tetg cun ina cuvrida nova, parcella 2269, Cavorgia Sura, 7180 Disentis/Mustér

2026-2021.000

Hotel Alpsu AG, Annalisa Giger-Sialm, Via Alpsu 4, 7180 Disentis/Mustér; sanaziun interna dil bogn existent «Mises» enteifer il hotel, parcella 715, Via Alpsu 4, 7180 Disentis/Mustér

### Sanaziun dalla casa communal

Preziadas convischinas e prezias convischins  
Las lavurs da sanaziun vid la casa communal s'avanzeschan tenor program.

Aschia legra ei nus d'astgar beneventar Vus naven dils 7 d'avrel 2026 al niev spurtegl, il qual sesanfla da niev el plaunterren. Cun questa purschida extendida lein nus migliuar nies survetsch ed offerir a Vus ina cussegliazion aunc pli effizienta e persunala. Il niev spurtegl stat a disposiziun a Vus duront ils temps d'avertura usitai.

Bien engraziament per l'enconuschientscha

*Administraziun communal*

### Administraziun communal

#### Temps da spurtegl sur Pastgas

Venderdis sogn, 03-04-2026, serrau  
Gliendisdis Pastgas, 06-04-2026, serrau  
Bien engraziament per Vossa capientscha e bialas Pastgas.  
*Administraziun communal*

### Center da rimnada a Raveras – temps d'avertura

Sur Pastgas resta il center da rimnada a Raveras serraus sco suonda: **Venderdis, ils 3 d'avrel 2026**

**Gliendisdis, ils 6 d'avrel 2026**

Bien engraziament per Voss'enconuschientscha.

*Uffeci d'infrastructura e baghegiar*

## Scola populara Mustér

### Gievgia, ils 16-04-2026

Preziadas convischinas, prezias convischins. **La rimnada da pupi d'avrel ei ina gievgia!** Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via bein visibels. (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e buca duront la rimnada. Bien engraziament per Vies agid e sustegn.

## Biblioteca Mustér e contuorn

### Kino da cudischs da maletgs cun Mats, la miur

Has ti plascher da vegnir en biblioteca e tedlar marveglias historicas ord cudischs da maletgs? **Venderdis, ils 10 d'avrel 2026** allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrentza ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna. Nus selegrein zun fetg sin tei.

*Mats, la miur ed il team dalla biblioteca*

## Club da pistola Cadi

**Invit alla radunonza generala, sonda, ils 11.04.2026** allas 20.00 el'ustria stan da sittar a Sars-sut, Disentis/Mustér.

### Tractandas

1. Beinvegna ed appel
2. Elecziun d'in dumbravuschs
3. Approbaziun dil protocol dalla radunonza generala 11.04.2025
4. Rendaquen, rapport dils revisurs ed approbaziun dil quen
5. Rapport dil president
6. Orientaziun da vart dalla commissiun da menaschi
7. Fixar las contribuziuns annualas
8. Programm da lavur
9. Elecziuns: en elecziun 1 actuar
10. Honoraziuns
11. Midadas da statutas e reglaments
12. Orientaziun dallas prescripziuns e menaschi da tir
13. Recepziun da novs commembers; abdicaziuns
14. Varia

En num dalla suprastonza

*Vies preses Herby*

## Corporaziun d'alp Russein/Mustér

**Radunonza generala, venderdis, ils 10 d'avrel 2026** allas 20:00 ell'Ustria Cresta a Segnas

### Tractandas:

1. Elecziun d'in dumbravuschs
2. Prelecziun ed approbaziun dil protocol dalla radunonza generala dils 22-05-2025
3. Rapport dil president onn da fatschenta 2025
4. a) Rendaquen dil cassier per igl onn da fatschenta 2025 / b) rapport dils revisurs ed approbaziun dil quen
5. Elecziuns perioda 2026-2028 / a) president / b) vicepresidente/actuar / c) cassier / d) 2 revisurs da quen ed in substitut
6. Project - Sanaziun infrastruttura en connex cun il schurmetg dallas auas / - Credit supplementar da CHF 15'000.00 per la planisaziun
7. Fixar ils tscheins sils dretgs per 2026
8. Varia

A stedia participaziun envida

*la suprastonza*

## Corporaziun d'aua Spina da Vin

**Invit alla radunonza generala mardis, ils 7 d'avrel 2026** allas 20.15 en la Stiva Salaplauna, Center Sursilvan d'agricultura, Via Lucmagn 31, 7180 Disentis/Mustér.

### Tractandas:

1. Beinvegna
2. Elecziun da dus dumbravuschs
3. Protocols, approbaziun
4. Rapport dil president
5. Rendaquen, rapport dils revisurs e dar scarica
6. Projects
7. Elecziun dil president
8. Orientaziuns
9. Varia

Suenter la radunonza vegn offeriu in refrestg. Tuttas commembras e tuts commembers ein cordialmein envidai e beinvegna.

*Per la suprastonza, il president: Aluis Flepp*

## Uniun da tiradurs Sedrun-Tujetsch

### Pusseivladads da sittar igl obligatori e campester 2026

Obligatori sonda, ils 2 da matg allas 18:00-18:45  
Pré campester mesjamna, ils 20 da matg allas 18:30-19:30  
Campester venderdis, ils 29 da matg allas 18:00-20:00  
Campester sonda, ils 30 da matg allas 17:00-19:00  
Obligatori e campester venderdis, ils 5 da zercladur allas 18:30-20:00  
Obligatori e campester mesjamna, ils 10 da zercladur allas 18:30-19:30  
Obligatori e campester venderdis, ils 21 d'uost allas 18:00-19:30  
Cun plascher beneventein nus tiraduras e tiradurs el stan da sittar La Resgia a Sedrun.

## SENIORA-CA

### Preavis per las proximas occurrenz

**Gievgia, ils 23 d'avrel 2026:** Film: «Hallo Betty»

**Gievgia, ils 7 da matg 2026:** Referat per tudestg: «Prävention für gesundes Altern» da Martin Desax, naturopat TEN.

**Gievgia, ils 21 da matg 2026:** «INFO-BUS» dalla Crusch cotschna Grischuna a Mustér  
Fageis vus mintgaton patratgs, co restar flexibels e «fit» en la vegliadetgna? Ni tgireis vus confamiliars ed arriveis mintgaton als cunfins da vossas forzas? Persunas dil fatg dalla Crusch cotschna Grischuna, dalla pro Senectute Grischuna, d'Alzheimer Grischun informeschan da lur survetschs e cusseglian. Occurrenza libra per tuts e tuttas!

**Gievgia, ils 18 da zercladur 2026:** «sur dil teater 1799» in guard ella tematica cugl autur dil toc Hubert Giger.

## Uniun da dunnas Disentis/Mustér

### Pastgas per affons

Cordialmein enviden nus tut ils affons tochen 4 onns cun mumma, bab e fargliuns ad ina spassgiada per encurir la lieu da pastgas. Silsuenter vegn aunc offeriu ina pintga marena per tuts.

**Venderdis, ils 10 d'avrel** allas 9:30, liug - infos suondan. Annunzias ein d'inoltrar entochen ils 7 d'avrel tier Justina Blumenthal-Deflorin 076 533 83 46.

Nus selegrein sin vossa viseta! Cordialmein envida

*ressort affons*

### Informaziun radunonza generala

A caschun dalla davosa radunonza generala ein las sequentas persunas vegnidadas elegidas; Aurelia Albin-Flepp, Ursina Huonder-Huber [suprastonza, elegida per dus onns]. Plinavon ha la radunonza fixau la con-

tribuziun annuala a frs. 20.00. L'unfrenda per l'organisaziun sontga Lisabet ei voluntaria. Il protocol dalla radunonza generala ei sin la pagina d'internet [www.uddm.ch/Suprastonza](http://www.uddm.ch/Suprastonza)

*La suprastonza*

### Informationen Generalversammlung

Im Zusammenhang mit der letzten Generalversammlung der Uniun da dunnas sind die folgenden Personen gewählt worden: Aurelia Albin-Flepp, Ursina Huonder-Huber [Vorstand, gewählt für 2 Jahre]. Weiter wurde an der Generalversammlung der Mitgliederbeitrag auf CHF 20.00 fixiert. Die Spende für das Elisabethenopfer ist freiwillig. Das Protokoll der Generalversammlung ist auf [www.uddm.ch/Suprastonza](http://www.uddm.ch/Suprastonza) aufgeschaltet.

*Der Vorstand*


FALERA

[www.falera.net](http://www.falera.net)

## la fermata Falera

### Occurrenz/Veranstaltungen

Vorverkauf/Prevendita: [www.lafermata.ch](http://www.lafermata.ch)  
**2026**

*December/Dezember*

27 Vernissascha exposiziun d'art

29 Concert festiv / Orchesterkonzert

**2027**

*Schaner/Januar*

02 Märchentheater Fidibus

*Fevrer/Februar*

06 Forever Young Shake Company

13 Claudio Zuccolini «Der Vorsorger»

14 Kindermusical

## Cularta Laax

### Observaziuns obsessivas – exposiziun da Donat Caduff

L'exposiziun vegn aviarta sonda, ils 11.04.2025


ILANZ/GLION

Telefon 081 920 15 15 [www.ilanz-glion.ch](http://www.ilanz-glion.ch)

## 89avla sesida dil parlament communal Ilanz/Glion

**Mesjamna, ils 15 d'avrel 2026**, allas 19.00 ell'aula dalla casa da scola a Glion.

### Tractandas:

1. Beinvegna ed approbaziun dalla gliesta da tractandas
2. Protocol dils 18 da fevrer 2026
3. Presentaziun idea da project «White Pillow Park» a Glion, prender per enconuschientscha
4. Revisiun totala dalla constituiun communal, rapport e propostas dalla commissiun predeliberonta revisiun totala dalla constituiun communal
5. Informaziuns dil biro parlamentar e dalla suprastonza communal
6. Ura da damonda

La sesida ei publica. Dils documents sa vegnir priu envesta sin la pagina d'internet dalla vischnaunca dad Ilanz/Glion [www.ilanz-glion.ch](http://www.ilanz-glion.ch) > Vischnaunca > Politica > Parlament communal > Invits e documents > 2026. Igl ei era pusseivel da reter il documents tier l'administraziun communal Ilanz/Glion.

*Parlament Ilanz/Glion, Flavio Elvedi, president*